

书斋夜话

俞琰

文硕阁

wenshuoge.com

目录

关于我们	3
提要	5
书斋夜话卷一	6
书斋夜话卷二	12
书斋夜话卷三	15
书斋夜话卷四	17

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

提要

【臣】等谨案书斋夜话四卷宋俞琰撰琰有大易集说已着录此书乃其平日读书论文随所得而笔记者卷一皆辨论经义其斥孔安国称洛书锡禹之非确为有见于诸经字训正讹考异颇为该洽如谓论语富与贵章当就不以其道为句孟子则慕少艾为慕爱少衰之思当读少字为上声其说亦颇足资参正二卷三卷皆推阐先儒之说多发明河图洛书及先天太极二图盖陈抟所述以丹诀通之于易其原本出道家琰所注阴符经参同契皆诠释黄老神仙之说所着席上腐谈易外别传亦研究炉火修炼之术故其注易皆传邵学是书反覆申明亦不出是义也末一卷皆论文之语然颇乏精奥盖琰词章之学不及其易学之深观所作林居山人集亦可以概见云乾隆五十一年四月恭校上

总纂官【臣】纪昀【臣】陆锡熊【臣】孙士毅

总校官【臣】陆费墀

书斋夜话卷一

元 俞琰 撰

经传字多舛误如三叹作三嗅己亥作三豕三之作言无作之害割为周乌焉成马何可胜数今姑举其畧

礼记字舛误最多吉为告先为天九原为九京滹沱为恶池奠彻为填池笄纚为鸡斯

大学云见贤而不能举举而不能先命也郑氏注以命为慢朱晦庵以命为怠慢与命声相近而讹也怠与命字相近而讹也

论语云南人有言曰人而无恒不可以作巫医礼记缁衣云南人有言曰人而无恒不可以作卜筮巫与筮字之讹也医与筮声之讹也

书云其在高宗时作其即位乃或亮陰三年不言其惟不言言乃雍礼记檀弓云子张问曰书云高宗三年不言言乃懽懽字之讹也

易云不耕获不菑畲无凶字记云不耕获不菑畲凶有凶字无凶字者是有凶字者非

论语云乡人傺朝服而立于阼阶作傺字者是记云乡人裼朝服而立于阼阶裼字者非

乐记云易直子谅韩诗外传云易直慈良非韩诗外传则不知子谅之为慈良也论语云加我数年司马氏史记云假我数年非史记则不知加我为假我也

易云直其正也方其义也记乃云直其政方其义以易下文君子敬以直内义以方外正之即是敬字敬讹为政政又转为正记云体无咎言记乃云履无咎言以金縢公曰体王其罔害证之即是体字体讹为礼又转而为履也

礼记云庾人之挚匹郑氏注云说者以匹为防释文云依注作防音木鸭愚按周礼大宗伯六挚庾人执防则郑氏以匹为防无疑矣以此推之则孟子所谓力不能胜一匹雏亦当为防雏

周礼大司寇以两剂禁民狱入钧金三日乃止于朝然后听之夫一钧重三十斤贫者安得有三十斤之金钧字当作钩字之讹尔钩金即孟子一钩金之谓盖钩金乃带钩之金也

周礼司烜氏掌以夫燧取明火于日郑氏注云夫燧阳燧也释文云夫方符反愚谓夫字当作木字内则有金燧木燧郑氏注云金燧取火于日木燧钻火也

周礼醢人箝菹鴈醢笋菹鱼醢郑氏注云箝箭萌与箝同愚谓箭萌即竹萌乃笋也箝当作落

从草不从竹当与防字同即今之海苔也苔菹而鴈醢笋防而鱼醢各以时物为偶既有笋菹岂可又以落为箭萌

礼器云束帛加璧尊德也谓尊贵其德郊特牲云束帛加璧徃德也徃字疑是旌字谓旌表其德或曰尊亦当作旌尊与旌声相近也徃与旌字相近也

棺入土曰窆陵驗切土曰塋曰封方容切丧大记云几封用綍郑氏注云封周礼作之窆窆下棺也此窆或皆作斂檀弓曰般谓以机封谓之斂然则棺之入坎为斂与斂尸相似愚谓记中言封多是窆字乃若马鬣封之封却是如字与易不封树之封同矣

檀弓云县棺而封郑氏注云封当作窆窆下棺也春秋作崩愚谓郑氏以封为窆诚是以证已春秋之崩则非也释文云封依注作窆彼驗反亦是已以为彼驗反则非也彼驗当作陂驗乃何切徐氏甫邓反则又谬矣崩与窆义相近而音不同春秋昭公十二年 郑简公左氏传云日中而崩杜预注云崩下棺释文云崩北郑反礼家作窆徐驗反愚谓义同有音切有韵北郑反则成音韵而可切彼驗反则不成音韵而不可切徐驗反则渐成音矣或曰窆字从穴郑氏谓棺入坎是已崩字从土从崩当是既下棺而掩之以土也杜预以崩为下棺非也德明以崩为窆亦非也

诗经天保云俾尔单厚郑氏笺云单厚也释文又音丹昊天有成命云单厥心亦当音丹谓尽其心矣毛公训单为厚郑氏笺云厚其心释文乃音都但反德明盖承康成之误康成盖承毛公之误

诗楚茨云先祖是皇神保是飨楚词云思灵兮贤姱灵保即神保也朱晦庵诗传谓神保是鬼神之嘉号或问云既说先祖又说神保似语义重复晦庵所云近见洪庆善说灵保是巫今诗中不说巫当便是尸却是向来解错了此两字余谓今之巫者言神巫其体盖犹古之尸故南方俚俗称巫为大保又呼为师人师字即是尸字师与尸声相近也

父之父生曰大父死曰祖祖者始也本也祖之为言狙也死则称祖未死而祖宜欤

朽生出东汉魏伯阳参同契腐生出桓常纪朽与腐皆言其年老而形容其枯槁也

苍生出书益稷注以为草木苍苍然出山涛谓王衍误天下苍生卢仝云百万亿苍生命则谓人为苍生

汉书云苍头谓小僮髻发则其头青色也今称老者为老苍谓其苍头如艾色也乃若少女为少艾则谬矣岂有少年女面色乃如苍艾也哉

孟子云人少则慕父母知好色则慕少艾上少字去声下少字上声谓幼少则恋父母之心甚切长则情窦开知好美色而慕恋之心少衰也荀子云妻子具而爱衰于亲与此同防赵岐注

孟子乃以美好误矣诗庭燎云夜未艾毛诗训久闕宫云俾尔耆而艾艾猷皆训老未闻训以美好也楚辞云竦长剑兮拥少艾注云长艾也犹言少长也亦不以幼艾为女子之美好或谓两少字皆去声艾字恐是女字之讹耳岂其然乎不若证以荀子之說为长矣

列子庄子鲲鹏之鹏即古篆 凤字说文云古文凤象形凤飞羣鸟从万数故以为朋党字愚按尔雅释鸟有凤无鹏字又按楚词云尺泽之鲋岂能与鯨鱼量江海之大藩篱之鷃岂能与凤凰料天地之高哉楚辞与列庄皆凤对鯢而言

老子云域中有四大而王处其一焉道大天大地大王大王字当作人字下文云人法地地法天天法道道法自然按祭义云天之所生地之所养无人为大谓无如人之大也此以证之则老子谓人亦大是已无锡尤氏老氏释音谓河上公注以人为王古本王作人字

罪即古臯字秦始皇臯字象皇字乃改臯为罪古对字从口汉文帝以言多为非诚乃去口从土

古疊字从三日新室以三日太盛乃改三日作三田隋乃改随字随汉东之国也随文帝以周齐不遑宁处故去之作隋以之为走故也

武则天讳曌即照也

即騶字宋明帝以騶象祸字乃改騶为 唐太宗有马拳毛

诗美目盼兮之盼匹莧切孟子盼然之盼说文作五礼反佩觿集作不计反或读盼为盼误矣

书云惟教学半盘庚敦于民孔氏皆训敦为教礼记学世子学士春夏学干戈秋冬学习籥之类竝戸教反教也与学字通用

书云乱而敬又云乱臣十人乱乃治也诗云薄污我私污洁也书云扰而毅礼云扰万民左氏传云扰龙氏扰乃顺也孟子云深耕易耨易乃治田而用力艰也论语曰丧与其易也宁戚易乃治丧而用力艰也易字疑是具字按檀弓云丧具君子耻具具俱易蓋相似也又按檀弓云与其哀不具而礼有余也不若礼不足而哀有余也亦与此同防耳

书云若之何其诗云夜如何其记云何居其居皆音箕语助也

经传之结以与字即是欵字耳即而已尔即如是诸即之乎两声合为一声蓋省文也

孟子云景子曰礼曰父召无诺君命召不俟驾固将朝也闻王命而遂不果宜与夫礼若不相似然愚谓与音欵古者欵字皆作与字如礼与何如是也宜与即何乎之类当以与字絕句不当连下文

朱晦庵曰王介甫防书如矧惟若畴圻父薄违农父若保宏父定辟古注从父字絕句介甫则就违保辟絕句复出诸儒之表东坡解吕刑王享国百年耄作一句荒度作刑作一句甚有理又曰礼记方马二解尽有好处如君赐衣服服以拜赐絕句以辟之勤大命施于丞彝鼎旧防以辟之为句极无义礼辟乃君也以君之命铭彝鼎是

檀弓云季康子之母死般请机封公肩假曰般尔以人之母尝巧则岂不得以其母以尝巧者乎公输般鲁人之伎巧者也欲设机以下棺公肩假责之曰尔以他人之母试尔之伎何不自以汝之母自试其巧乎语意甚明郑氏乃以岂不得以句防又以以字为已字母字音无误矣近见方慤礼记解予说正与之合因语生徒云意到理到异世而同符微方氏则予为臆脱矣方慤正和时人也

儒行云今众之命儒也妄常以儒相诟蓋言当时众人之所谓儒乃妄名为儒非真儒也刘子云鲁人缝掖实非儒行愚谓既非儒行故常以儒招戲真儒如孔子则莫之敢戲愚论如此及读方氏解亦如此当依方氏从妄字句防郑氏连常字为句误矣哉

论语云富与贵是人之所欲也不以其道得之不处也贫与贱是人之所恶也不以其道得之不去也当就不以其道防如說之不以道亦当就道防夫富贵贫贱是人所欲所恶也处富贵而不以其道则吾之得富贵也宁舍之不去也贫贱而不以其道则吾之得贫贱也宁受之不去也然则得富贵何以处富贵必以其道也得贫贱者何以去贫贱亦必以其道也若就不以其道得之防则富贵固有以其道得之者亦有不以其道得之者若贫贱则安有以其道得之者哉大抵如生于公侯家素富贵是以其道而得之生于闾阎之中而素贫贱亦岂不以其道得之不以其道不以其道蓋谓处富贵去贫贱不以其道非谓得富贵得贫贱不以其道也犹记至元庚寅秋雨云间衛山齐夜话及此山齐之论亦然

中庸云君子之道费而隐朱晦庵注云费用之广也愚谓费字当作府味反乃费用之费与注意合今作符味反则符味反两字母子相同而切成味字与注意不合矣以府为符此乃传写之讹尔

大学云罔然揜其不善而着其善郑氏注云罔读为罔廌闭藏貌愚谓罔字当作入声于叶反藏伏也乃与注意合郑氏读罔为廌恐则是廌字于叶反讹而为压也不然古者廌廌通亦不可知按荀子所谓罔然一涉反诗罔浥行露之罔亦作入声俚谓语罔羞藏罔皆是入声

曾子曰吾日三省吾身三如字下文云为人谋而不忠乎与朋友交而不信乎传不习乎曾子每日以三者省察其身也与季文子三思而后行之三不同

中庸云宗庙之礼所以序昭穆也晋讳昭故以昭音为韶朱晦庵经解并如字

舜典正月上日正音政秦始皇名政遂以正为征丧记云子夏丧其子孔氏不丧出母孝经云孝子之丧亲也不过三年丧字皆当作平声

诗云不我过论语曰过位色勃如也又云楚狂接舆歌而过孔子孟子云禹三过其门而不入又云过我门而不入我室皆经过之过当作平声

莆阳郑氏曰尚书秦之官名也今之谓亦尚书至今秦人谓尚为常此声之异古今不变也

经书中庆字皆作平声韵观诗可见易坤卦彖传与诸卦爻传皆然

周易爻传皆叶韵坤六三以时发也叶知光大也慎不害也发字作去声诗云飘风发发与害字叶亦去声

六四独遯实也实字作去声叶顺字巽字未济初六亦不知极也极字作去声叶正字或改正字作直字以叶极字非也

關雎序告于神明之告释文古毒反其余告字无音非无音也音其一以例其余耳如葛覃言告师氏小旻不我告犹四月维以告哀十月之交日月告凶楚茨工祝致告江汉告厥于王泮水不告于訇抑告之话言大东以告病焉读者皆作去声考槃永矢弗告之告作入声何也曰皆去声也北音陆轴宿其实皆是去声叶告字南音则以陆轴宿作入声遂以告字作入声与陆轴宿叶陆德明南人也诸经告字德明皆因此音谷如易瀼则不告之告本只是去声释文乃亦音告乃若读与句读之读同不作去声大抵北音入声皆作去声未尝以去声为入声也

诗云侯作侯祝作侧虑反今之诅字祝周救反今之咒字也莆阳郑氏曰郑康成谓咒为注齐音也

周司约注云约言语之约束也约于妙反束诗注反陈平封曲逆侯曲音去逆音遇又如録囚为虑囚安作为安做赎为树嚼为噍织为志肉为授应吉甫宴射诗过则有失叶韵失音试潘岳西征赋伯恬静以无欲叶韵欲音喻皆以入声作去声

国语云勾践亲为夫差洗马或作洗音铎今谓洗马为浴马误矣荀子云扶舆洗马杨倞自导马也前汉书云太师太傅太保属官有洗马洗音铎如淳曰前驱也

礼记纶綍之綍即拂字或作勃也左传蕞尔之蕞言其小也徂外反或读为撮非也庄子迳庭之庭勅定反勅字闽音为惕

贾谊过秦论云招八州而朝同列韩愈諫臣论云招其君之过招字并析尧反举也蓋出庄子有虞氏招仁义以挠天下招音翹揭也

周虢州亦谓之郭州韩灭而子孙分散江淮间为何氏郭忠恕曰虢郭韩何此随音而生变也愚谓闽音王为黄越音武为姥吴音余为奚徐为齐杭州人金为斤阴为因齐人鸡为赍吃为挾皆乡音也哉

西汉书张骞传身毒国在大夏东南佛郎国也李奇曰一名天竺则浮屠胡是也颜师古曰今日天竺盖身毒声转为天竺省文作竺又转为竹音

东汉书浮屠即佛陀也伊蒲塞即优婆塞西方之言如此者众若以华言字面求其义理不可得矣

监本畧长字上声丁丈切当作转西切刘字丁角反当作侧角切又如 合之 当作明粉切与泯字同音若作武粉切则与愤字同音矣又与昊珉二字皆音作民若作武巾切则与愤字同音矣毛晃韵畧始改正其失

书斋夜话卷二

元 俞琰 撰

张横渠曰人多以老成则不肯下问故终身不知又为人以道义先觉处之不肯复谓有所不知故亦不肯下问遂生百端欺妄之心人我宁终身不知予于至元丁丑冬毗陵道中邂逅文纯心同航闲话咸淳间时文因语余曰卿为丽泽书院山长试诸生以经疑云宣王中兴之贤主平王东周之始王诗记宣王而不纪平王书纪平王而不纪宣王何也予对曰诗书删定皆出于夫子之笔诗既载宣王矣不必又载之书也书既载平王矣不必又载之诗也犹易之六爻一言初则知上为终何必复言终六言上则知初为下何必复言下纯心以为然又言利贞者性情也孰为性孰为情予率尔对曰是利而贞情复乎性纯心防笑曰未也予是时年少倔强自以为是遂不叩其详未免耿耿于怀十余年矣厯考诸儒易解乃得其说盖元亨利贞四字文王本意只是大亨而利于正夫子分为四德以象四时则元乃动之始亨乃动之极利乃静之始贞乃静之极静极则复动贞尽则又元乾道之所生也生不穷也此也向使夫子不曰性情而曰情性则是利而贞自动而静谓之情复乎性亦可今不曰情性而特曰性情盖发明贞下起元静中有动四时循环终而复始之义若但情复乎性则终于贞而不元静而不动生意或几乎熄矣岂易之防哉呜呼年少而倔强矣而不思问是自误也戒之戒之纯心蜀人本心枢相之弟

大衍之数五十其用四十有九谈者纷纷朱汉上业说备言之矣先儒皆谓虚一不用以存太极之本体诚是已其用四十有九则自秦汉至宋濂洛诸君子及干淳诸公并无至论何也予尝游鄱阳见一书乃临江黎氏所着其说曰太极一也太极生两仪阳一阴二衍而三也两仪生四象太阳一少阴二少阳三太阳四衍而十也四象生八卦干一兑二离三震四巽五坎六艮七坤八衍而三十六也通太极两仪四象八卦之数衍而五十也蓍注合合五十而为一虚一而用四十九虚一者太极体数也用四十九者所以生六十四卦极天地万物之数尽天下之变也黎公名立武咸淳戊辰廷试第二名及第

至元癸未秋予与新安王太古同宿商岩夫道院听其说易尽有好处如改正先天方图移西北干一置于东南而十二辟卦皆正此一改极有理但阳虚阴实之说未免为或者所讥讥之者岂其所学过太古哉女无媿恶入宫见妬士无贤不肖入朝见嫉昔者扬子云作太 经张衡以为是刘歆以为非从古如斯何况于今我輩当今之时闭门读书谈天地论古今如观岭上白云只可自怡悦而已太古乃以易说进呈几乎得罪盖以其说反先儒也赖有识者回防不然危矣太古遂以此愤懣而死惜哉

伏羲时不有文字始因洛书河图之文以画卦故曰河出图洛出书圣人则之又曰仰则观象于天俯则观法于地观鸟兽之文与地之宜近取诸身远取诸物于是始作八卦盖不特取法于河图洛书二物而已

刘向父子班固輩皆循孔安国之谬以为河图授羲洛书锡禹如此则伏羲时止有河图而无

洛书也夫孔子以图书并言而安国之徒乃岐而二之何昉哉

河图之说自易之外吾于论语礼运见之矣洛书之说自易之外它经无所见也按禹贡但言导洛不曾言出书果有书则禹孔言之矣孔安国注洪范乃为洛书者禹治水时神龟负文而列于背有数至九禹遂因而第之以成九畴吁以洪范之九畴认为洛书则中庸之九经亦可以洛书矣何其谬哉

關朗以五十五为河图四十五为洛书亦循安国之谬刘牧又两易之以谬攻谬耳

天一至地十凡五十五此五行生成数也蓋孔子未尝指此为河图洛书

戴九履一之数凡四十五苏东坡断之曰非易数也实是纬书九宫之数耳子华子言之大戴孔言之干凿度言之张衡言之彼亦未尝指此为河图洛书

太极图五行下一圈注云乾道成男坤道成女又下一圈注云万物化生此男女谓乾坤所生六子乃日月雷风山泽非人之男女也若以为人之男女则人之男女仅能生人岂能生万物也哉

周濂溪太极图说云无极之真二五之精妙合而凝乾道成男坤道成女二气交感化生万物万物化生而变化无穷焉此循序而言也遡而言之则曰一阴阳也阴阳一太极也太极本无极也始则无极终则无穷故下举易以结之曰原始反终故知生死之说大哉易也斯其至矣篇首一句以无极太极并言终篇则以无穷与无极对說辞意前后甚贯穿人能原始而知所以生反终而知所以死则知周子之所谓无极无穷矣今人论太极图说但防无极而太极两个极字竟不问无极无穷两个无字何耶

邵康节曰天依形地附气其形也有涯其气也无涯愚谓论理则濂溪无极无穷之说最好论气形则康节无涯有涯之说亦好合理与气形并言斯明备矣

汉张衡曰八极之维位二亿二万二千三百里南北则短减千里东西则广博千里自地至天半于八极则地之深亦如之通而度之则是浑已将覆其数用重钩股悬天之景薄地之义皆移千里而差一寸得之过此以往未之或知也未之或知者宇宙之谓也张衡蓋以天之在上为宇地之在下为宙尸子则曰天地四方曰宇往古来今日宙淮南子亦曰上下四方曰宇往古来今日宙余以俯仰之间言之地居天之中央地之上皆天也仰观之则苍苍无极地之下亦天也俯察之则窈窈无穷四表皆然是之谓宇以既往未来言之则自昨前日去年前年十年百年千年千古万年万万古浩浩无极自明日后日明年后年十年百年千年千世万年万万世绵绵无穷是之谓宙夫人之生也寓形宇内宇内之事可得而见之者且不能尽晓何况自天地开辟万万古以至如今巧历所不能算又焉能究极其始哉既不能究极其始而欲穷竟其终厥亦难矣春秋纬谓开辟至获麟凡三百二十七万六千岁吾固未之信若邵康节十二万九千六百年之数吾亦未敢以为然也

先儒谓天开于子地辟于丑人生于寅故斗柄建此三辰皆可以为岁首而三代迭用之愚谓尧舜禹三圣相授守一道故皆以寅月为岁首汤黜夏命故不用寅而换先一月用丑周革殷命故不用丑而换先一月用子不过定一代之制而于是月受羣臣之朝贺所以新天下之耳目覩人心之从违耳秦之继周朝防不用子而用亥岂有他哉是换先一月而已不然何以寅而丑丑而子子而亥耶唐子西常辟三統之说矣然不究古人所以改正朔易服色之本意但力辨殷亦用寅而不用丑盖谓建子尚有谓建丑实无谓耶不思秦建亥是又何谓耶

汉高祖承秦之制而不改正朔至武帝建太初历始用寅月为岁首新莽曹魏明帝皆尝建丑矣未几而复建寅唐太宗亦尝建子矣未几而复建寅愚谓三代岁首惟夏遵尧历为正若子若丑若亥四时皆不正此孔子顔子所以皆有取于夏时也

二十四气之名义鄱阳洪氏有说齐节初衍而正之云十月纯阴属坤非无阳也阳生于其中故谓之阳月自小雪积至大雪则已满十五分矣老阴始怒欲拒其来故冰坚地坼易曰龙战于野其血 黄正此时也逮冬至则阳已战胜而复矣小寒十二月节寒则阴惨矣不在十月之前而在十一月之后者阴阳进退各六位象卦之六画下二画地位中二画人位上二画天位阳长于下阴为所迫渐出地上所以为寒故临之二阳长才及半则曰小寒临之二阳体已完则曰大寒医书言寒脉洪大阳在内故也春蚕也蚕蛰虫始振也义立谓太史奉天子命而立之历也立夏立秋立冬亦然雨水之雨与诗雨我公田之雨同当读为去声前或雨雪雨霰天地既泰则雨而已古历于雨水惊蛰易次非也合从今历月令于二月言雷乃发声蛰虫启戸惊蛰之谓也春分与秋分皆以昼夜长短通平而得名清明三月节属大壮则五阳盛矣天地间阴气消且尽安得不清且明哉故晋人亦于三月言天朗气清谷雨之雨亦读为去声谓农播百谷如雨之雨于空中也夏假也假大也犹书言满假崇丘言万物之高大是也立夏四月节六阳以极易干上九爻传曰盈不可久谓其满也阳言小满犹阴言小雪小雪阴极而阳初生小满阳极而阴初生汉时以芒种为大满后世历者改之戒其亢也芒种五月节种从去声读老农云秧根过芒种生数輒倍子固种之所以芒也周礼稻人草泽种以芒种从上声读谓种之芒者稻麦之类也与此异之极也尧典云日永日短夏景昼六十刻冬景昼四十刻盖永与之极也暑生于阳之燥医书云人暑脉微弱阴在内故也小暑大暑义如小寒大寒观彼可以知此彼属临此属遯也秋擎也擎欲也万物皆收敛就实故尧典言西成六月为伏稚金畏火之炎而伏也立秋则金气伸矣此火之所以返其故处也天地间无两大之理昔也金伏今也火伏理固然尔张行成曰母生处即是子生处未为中央土土生金而水以擎矣火安得不病易言坤正立秋后也致如致事之致亦处暑之义坤土生金至秋则旺金白故露亦白易曰巽为白巽入也又为风风入露为霜入雨为雪入水为冰其色皆白本于金也四时皆有露独秋称白主金明矣气冽曰寒阴伏地下为寒泉阴浮地下为寒露诗云白露为霜寒所至月令霜始降乃命有司曰寒气总至民力不堪然则霜降以寒尔冬终也故终字之半为冬冬言藏终也立冬十月节小雪十月终是时天将雨雪而未至乎大水始冰而壮地始冻而坼较之十一月大雪则有间矣节初名梦龙鄱阳人登咸淳戊辰第

十月小雪而言小春何也曰此易十月为阳之义是时霜晴日暖则桃杏发荣亦有春色故谓之小春者也

书斋夜话卷三

元 俞琰 撰

井泉冬温夏冷何也曰知浑天之说则知之浑天者何天体浑浑沦沦如鸡卵状地在天中如鸡卵中之黄也知浑天之说如此又不可不知天轮之斜转太阳之远近与夫南北二极之高下黄赤二道之偏正岂一语所能尽哉天有南北二极在北而高者曰北极出地上三十六度如杵柄之倚壁在南而下者曰南极入地下三十六度如杵头之着地天有黄赤二道赤道横络天腹正当南北二极之间黄道斜络天腹上偏于赤道之北而近北极下偏于赤道之南而近南极赤道之在天也上偏于南下偏于北黄道之在天也正当地之东西上下故谓之中道仲夏之日昼在人之顶上夜则偏于北仲冬之日夜在人之足下昼偏于南盖因天轮之斜转也日行常在虚空之中谓入水者妄也谓入地者犹妄也人孰不见午时大明当天高悬于太虚去地辽绝如此不知朝夕出没于东西皆在虚空中去地辽绝亦如此夜半子时去地辽绝亦莫不然但人处地上不能见之耳隋书谓日入水而所经焦竭甚可笑也日之行于虚空昼夜不离乎黄道黄道者天之黄道也如隋书云则黄道不在天而在水中矣抑何不思之甚欤夫行黄道譬之丝纒纬车纒向上则如仲夏之日纒向下则如仲冬之日经于中作于春秋二分之日同春分之日出卯入酉而昼夜均渐而北则日晷渐渐长逮仲夏出寅入戌则长之极矣故曰日长至更不北矣故曰日北至秋分之日亦出卯入酉而昼夜均渐渐向南则日晷渐渐短逮冬至出辰入申则短之极矣故曰日短至更不南矣故曰日南至天之北陆昼夜所以有长短者实因天轮之斜转也天轮惟其斜转是以日行黄道有冬夏远近之殊也春秋二分日在黄道之东南则与地之东西正相值又当赤道之交处无南北高下之偏是以寒暑平日行南陆时偏于赤道之北随天轮转而至午则去北极近太阳之气蒸于下也仲夏井泉所以冷也夜半之日乃在地底虚空之北而太阳气之去地远也天虽高地虽厚日虽远盖可以理推理在是则事事物物皆可推之以理岂但井泉之温冷哉

邵康节曰本一气也生则为阳消则为阴故二者一而已矣朱晦庵曰阴阳只是一气阳之退便是阴之生不是阳退了又别有阴生愚谓天地间阳气即太阳之气凡太阳所及处便是阳不及处便是阴非别有所谓阴也请以四时观之春秋太阳去远近均故寒暑平夏则太阳之在人顶上直射于地故热阴雨则稍凉冬则太阳在大海之南去地远故寒雨雪则极寒四时之温凉寒暑盖皆由太阳之远近而然也更以昼夜观之盛夏昼热而夜稍苏隆冬昼寒而夜尤甚者太阳昼则见夜则没而不见也

人之生也气在内而体温死则气绝而体冷温者阳也冷者阴也本亦二气耳阳尽则为阴也

阳入阳中则不见入阴中则见阴在阴中则不见在阳中则见是以人之呵气盛夏不见隆冬可见冰之见日隆冬不气出盛夏则气出

邵康节曰冬至之月所行如夏至之日夏至之月所行如冬至之日愚谓黄道之南北远近不同故日月所行春秋皆然若独论月行之进退长短则一月之间具日行一年之二分二至月

行蓋一月一周天也康节所云不过谓仲夏仲冬望日之月耳

新安王晦叔曰以周天度数合配十二宫各有分数百秒为分百分为度岁必三百六十五日零三时而交春是合周天之度月必三十日零五时而交节是合一宫之度

一日百刻以十二时分之每时八刻十二時計九十六刻余四刻安在或谓散在十二时之交或谓之甲丙庚壬四时此二说孰是曰皆非也其实岁有三百六十五日四分日之一故厯家立此百分之法则其余四分之一为二十五分蓋易于布算也

尧典云朞三百六旬有六日以闰月定四时成岁今不闰之年止有三百五十四日者何也邵康节曰朞三百六旬有六日去日之余盈六则月之余缩亦六若去日月之余十二则有三百五十四乃日之行数也

厯法三年一闰五年再闰何也曰一年有日月之余十二三年则三十六而赢六又二年二十四而六以三年而赢补二年之故又闰也

冬至复余一日则知来年则知来闰正月余两日则闰二月余十二日则闰十二月若余十三日则不闰矣

东汉书云至朔同日谓之章一章七闰凡十九年是年闰必十月是以至朔必同日此定法也咸淳庚午厯官误闰十一月而是年至朔不同廷臣劾之旋复改正后十九年为至元己丑闰十二月而至朔同日又复十九年为至大戊申亦当闰十月而至朔同日乃闰十一月而至朔不同日其误与咸淳庚午同不知此后十九年丁卯为复何也如周礼有保章氏至今厯官称为保章者正为十九年至朔必同日而不差也不然何以取其为保章也哉

礼运云五行四时十二月还相为本也五声六律十二管还相为宫也蓋为五声迭奏更相为宫犹五行运转更相为始也

书斋夜话卷四

元 俞琰 撰

桓谭少好文见扬子云工赋颂欲从学子云曰能读千赋则善之矣董遇曰读书百遍其意自见愚谓少年时果能如董遇所云则圣经之义何患乎不通果能如扬子云所云则为文何患乎不工

管子云思之思之又重思之思之不通鬼神将通非鬼神之力也精诚之极也予矻矻三十年周易集说方脱藁初十年自以为了次十年心目俱乱后十年黑白始分思之力也其初未尝不思思之不审耳

先儒作文皆有所本六经是也试畧举东坡之文言之如祭统云天子有善让德于天诸侯有善归之天子东坡喜雨亭记乃云太守不有归之天子天子不有归之太虚其说盖本祭统又乐记云夫物之感人无穷而人之好恶无节则是物至而人化物也东坡王君宝绘堂记乃云君子可以寓意于物而不可以留于物其说盖本乐记

有学诗于黄山谷者山谷云公治何经且熟读经书其人未達退而问人有答之者云不明经防则不识是非不知轻重何以为诗

李挺之云邵康节云科举之外有义理之学义理之外有物理之学物理之外有性命之学程伊川曰古之学者三异端不与焉一曰文章之学二曰训诂之学三曰儒者之学盖文章之学即科举之学训诂之学即义理物理之学儒者之学即性命之学性命为上物理义理次之科举之学末也学吟诗又其末也

张子韶云学者专意时文不知研穷经史则举业之外叩之空空如也亦可耻也前辈人不以古今灌溉胸中试引镜自照面目必可憎对人言语无味谓此也

愚谓防习科举之学十六歲而三場粗通輒应咸淳癸酉乡贡进士举尝手编省监时文効选赋格前韵编造句干意后两韵与论策皆编立说主意并字面乃今思之俚花鬬叶破碎大道雕虫篆刻小技而已然当时以此取士为士者盖不得不然也哉

三場时文虽拘以格律然亦套括之学耳其功全是编节犹记作劝学讲义如何论破题云吾儒分内之事而致勤上之人勉焉亦可以自愧矣盖仿上详孝宣举廉得真其破题云以士夫律己之常而致勤人主之责实可以观世变矣予用其主意用其字面不用其句法乡先生陈通斋云子之文何其妥且熟也予以实对通斋云一年编可敌十年读书功夫近日学者无所用心皆学唐诗等语生徒云欲工唐律须编唐人诸家诗苟能触类而长之当有脱胎换骨之妙如四六之学亦然不然不能进也

司马温公自言不善四六或谓其倦于属对非也四六献谏失实故温公不肯为也

属对虽小技然亦不易如三才天地人四诗风雅颂四时春夏秋冬三德刚柔正直迅雷风烈烈风雷雨絶地天通通天地人夫子天尊大士头上不同官家宦者宫人身中各别皆以为巧对又如刘蕡下第我輩何惭雍齿且封吾属无患劝君更尽一杯酒与汝同消万古愁娶妻不用求良媒书中有女顔如玉有名何在镌顽石路上行人口是碑古今未尝无对但我輩读书不多寻思不到尔至如街谈巷语亦莫不有对良将手下无弱兵死人身边有活鬼老手旧胳膊穷嘴饿舌头胡猕入布袋鮎鱼上竹竿皆巧对也

骈四俪六抽黄对白自是一家之学向之习举业者皆不暇及此然有时乎应用则又有不学容不为之予于元贞乙未自呉江回复入王本斋书院有一启劄谢本斋之叔中斋宣慰起联云拣尽寒枝常叹秋鸿之独往还寻故垒何如来燕之相依本斋姊夫黄春谷语云子尝谓不善四六此联并用古词语而又切当何也予对生平于此甚疎偶然有此联耳盖实说也小女许束敬斋总管之侄予回敬斋礼书云乔木森森憩园林之如旧夭桃灼灼喜男女之及时句虽不工束氏所居乃予故庐也因以语生徒云大抵应用之文须是切当虽工亦奚以为作诗亦然

唐人鹭诗中间两联云立当青草人先见行傍白莲鱼不知两足独拳寒雨里数声相叫晚秋时虽掩其题目皆知其为咏鹭予疑秋字当作烟字尤切当盖相失于晚烟中是以相叫若晚秋相叫则无意味矣

尝记诗垒元戎云寻常一樣垂杨柳种入宫墙自不同杜北山变之则为寻常一樣窓前月才有梅花便不同孔方平云杨柳不遮春色断一枝红杏出墙来又如朱希贞曰佳人不奈冷重叠着春衣僧北涧云渔翁不奈冷重防着蓑衣后作皆响于前作

杜少陵诗云夜阑更秉烛相对如梦寐晏小山之词乃云今宵剩把银缸照犹恐相逢是梦中谈者但称晏词之美不知其出于杜诗也

文子云所以亡社稷身死人手为天下笑者未尝非欲也贾谊过秦论末句盖用文子语

京房后之视今犹今之视前也王羲之兰亭诗序盖用京房语又如丝竹管弦四字陈遯斋谓其重复盖亦用汉书语张雨传云后堂理丝竹管弦他如死生亦大矣放浪形骸之外齐彭殤为妄作皆庄子语

黄山谷云凡为文字作语最难老杜作诗退之作文无一字无来处盖后人读书少故谓韩杜自作此语尔古人之能为文者真能陶冶万物虽取古人之陈言入于翰墨如灵丹一粒防铁成金也

范文正公薤赋中间一联云陶家瓮里酿成碧绿青黄措大口中嚼出宫商徵羽予幼作海

赋诗云生以鰕为目来从水母宫堆槃凝冻结停筇便消融莹洁玻璃白防欄玛瑙红酒边尝此味牙颊响秋风句虽粗率响字盖从范文正公鼈赋中来

毗陵向简斋讳公桂咸淳末为无锡宰酒酣即杂咏上庠干为圆赋送联云惟其不圆乃所以见其圆安得圆机而与语至元戊寅长洲县学试儒游六经道最高赋简斋代其子作一篇怀其卷问予云汝第二韵押甚麽字予对曰押最字云道非百氏之侔高惟此最盖用上庠干天下之至健押至之格又问第四韵如何形容最高予对曰非天之天不可堦而升非墙之得其门者寡美难几及谁居孟氏之隣登必自卑皆出子思之下又问第七第八如何发意予对曰第七句傲云此道学愈高歷更世道之万变盖人心之中自有圣人之六经盖仿上庠六经統天地之心第七韵发意第八韵送联云惟其不自高所以见其最高深造六经之道闾盖依叔丈酒边见教干为圆之格简斋抚予背云可惜可惜早生数年定当博青衫予亦自谓我生不辰惟有长吟老杜词赋工无益之句亦浩叹耳

穷措大常谈云诗文熟便着绿犹汉儒明经取朱紫然有一生勤苦而无成名者是有命焉不可幸而致也或疑两人共试而甲之文工于乙反被黜乙之文不如甲反中选何也殊不知考试官每房分若干卷限定各取几名甲所以被黜者文虽工更有高于甲者盖分于某房众好卷之中也乙之文虽不如甲幸而分于某房无好卷之中未免短中求长是以中选甲胜于乙而被黜乙不如甲而中选兹非命也欤

先师纪梅臞先生赴咸淳庚午举自谓必中选而誊录所失其第三场及揭榜后拆席屋有一卷插于箆辨间乃其第三场防卷也

刘之杰赴省第三场策已寫第一道俄而腹疼挟卷奏厕插卷于厕屈出则径行不记取卷复回寻之则无矣及揭榜后乃登第后累迁置制使有邑宰以公事稽缓追至庭下邑宰白云昔者滥登末第幸与公同年輒有一语奉告稟公曰得非省闈中事乎曰然乃延入屏后问其故对曰因奏厕见策卷欠第二第三遂拙作补足而纳之公曰某一生仕宦皆所赐公何不早见访语其故遂呼妻子罗拜堂下而语之云生我者父母成我者公也于是厚报邑宰予向见先輩云尔不记邑宰姓名

里人陆兰坡名逸长予一岁论咸淳末郡庠月试陆之论每居予前予之赋每居陆前是时教官乃三山董先生名师谦咸淳辛未别省院试赋魁也陆谓予云子之论自冒头题下讲腹至结尾必作四段我则一片成文俾董公画断不得予亦云子之赋是原韵至八韵皆用赋体我则不用皆弄巧也予尝对兰坡至论缜密吾不如子兰坡云赋工致吾不如子彼此皆相观而善自科举之学废后生晚进之学皆矜已傲物吟数句诗便以为高于李杜写数行字便以为过于羲献是可笑也亦可怜也笑之者何笑其小器易盈也怜之者何怜其未闻君子之大道也

昔在林屋山中寄橘入城与先师纪先生问月试拆榜如何先生荅云策第九名则亦在前列虽小试亦见斯文之验也更免旃则不患不成予是时方年十八虽扰攘间未尝一日辍笔后

三十年偶阅故篋见先生手帖遂装成小轴孟能静于晓山蒲梅月心诸公皆有题跋梅自今又为古人矣予近年假馆江村离羣索居独学无友惟以易說自娱屈指城中先輩能有几人良可为之叹息

至元间尝为道友作 牝之门赋晦朔之间如何论对策问丹经之疑虽文场扫地之余聊作此丹学之三場以见穷措大畴昔灯 刻苦之末技尔连江术者林复斋抄予赋严呈何潜斋终篇潜斋批防与一道者后数年蜀人向玉 自湖南回吴云潭州见一道诵予之赋矣问其全篇何在乃秘因以为奇货可笑可笑愚曰近在饶州时有紫极宫道士取予此赋予即手书以赠之彼亦见示一赋忘其作者姓氏朋友问闻一好说话得一好文字彼此而相与亦是乐处吾知潭州道者必无此乐也或谓朱晦庵云有朋自远方来不亦乐乎程子以为以善及人而信从者众故乐何谓以善及人晦庵荅曰如传得师友说如好说话得好文字归好与朋友亦唤及人如有好说话得好文字 藏在笼篋中如何做得及人愚谓近来有一等朋友见人有好朋友见人有好文字必设计取之乃名自己闻得些善言则緘默而不肯语人写得些好文字则藏而不肯示人鄙哉诚可恶也

予幼爱杂览闻朋友间有奇书必告借抄录以至防寝食而成疾忽一日先师语先人书封鎖其书厨留经史与先儒性理之书省鉴时文在外自此不敢杂览惟专心举业业成而时异事殊平日勤苦竟为画饼因思对汉武帝先帝好老而臣尚少陛下好少而臣已老时不我逢奈何哉

德祐丧之余我輩无所用心但闭门静坐读易而已近邇追黄渊道间话月试题出天地数五予不觉技痒遂破云理寓乎数阳奇者天地有五以合也位相参于自然再破云数焉有十五为阳五者为阴两而配诸一则曰天一则曰地渊道曰诸卷并无此作蓋天数五地数五凡两五以为一十五则非易之防也易题最难下笔其造语用事自是一样格调非知易而精于赋者不能也文章天下之公器安可诬哉因语安道曰予自此赋絕笔矣徒费思作此无用之文不若留气以暖脐也渊道曰选場开则有用矣予笑曰何代无美锦绣但恐从来花样不同翻誉别有新置有如我輩陈人之陈言决不复用矣渊道亦以为然渊道闽人也今亡已窃谓义熙遗老贞元朝士一日无一日至元间学官如渊道者今亦落落如晨星之稀悲夫